



## Neka muškarac ne gleda u stidni dio tijela drugog muškarca, a neka ni žena ne gleda stidni dio tijela druge žene

Od Ebu Seida el-Hudrija, radijallahu anhu, se prenosi da je Allahov Poslanik, sallallahu alejhi ve sellem, rekao: "Neka muškarac ne gleda u stidni dio tijela drugog muškarca, a neka ni žena ne gleda stidni dio tijela druge žene. Neka muškarac ne liježe sa drugim muškarcem pod istim pokrivačem, a neka ni žena ne liježe sa drugom pod istim pokrivačem."

[صحيح] [رواه مسلم]

Allahov Poslanik, sallallahu alejhi ve sellem, u ovom hadisu zabranjuje da muškarac gleda u stidno mjesto drugog muškarca, te da žena gleda u stidno mjesto druge žene. Stidno mjesto predstavlja svaki dio tijela od kojeg se čovjek stidi da mu se pred drugima pokaže. Kod muškarca to je između pupka i koljena. Što se tiče žena, cijelo njeno tijelo je stidno mjesto prema muškarcima koji su joj strani. A ako se radi o drugim ženama i muškarcima koji su joj mahremi, žena smije da pokazuje onoliko koliko inače pokazuje prilikom boravka u kući. Na koncu, Allahov Poslanik zabranio je da dvojica golih muškaraca idu pod isti pokrivač, a isto to važi i za žene. To je zabranjeno jer može dovesti da jedno drugom dodiruju stidna mjesta. Dodirivanje tuđeg avreta je zabranjeno kao i gledanje u njega, s tim što je dodirivanje gore jer može prouzrokovati veću štetu.

<https://www.sunnah.global/hadeeth/bs/show/8904>

